

出曜經序

宮一

出曜經者婆須密舅法救菩薩之所撰也集  
 比一千章立為三十三品名曰法句錄其本  
 起繁而為釋名曰出曜出曜之言舊名譬喻  
 即十二部經第六部也有罽賓沙門僧伽跋  
 澄以前秦建元十九年陟葱嶺涉流沙不遠  
 萬里來至長安其所聞識富博絕倫先師器  
 之既重其人吐誠亦深數四年中上聞異要  
 奇雜盈耳俄而三秦覆墜避地東周後秦皇  
 初四年還轉伊洛將返舊鄉佇駕京師望路  
 致慨恨法句之不全出曜之未具緬邈長懷  
 蘊情盈抱太尉姚旻篤誠深樂聞不俟駕五  
 年秋請令出之六年春訖澄執梵本佛念宣  
 譯道嶷筆受和砮二師師法括而正之時有  
 不怙從本而已舊有四卷所益已多得此具  
 解覽之畫然矣予自武當軒衿華領諮詢觀  
 化預參檢校聊復序之

弘始元年八月十二日寫訖

僧叡造首

出曜經卷第一

尊者法救造 姚秦三藏竺佛念譯

無常品第一

昔佛在波羅奈國佛告諸比丘當來之世眾  
 生之類壽八萬四千歲尔時壽八萬四千歲  
 眾生輩於此間浮利内眾生共居一處穀米  
 豐熟人民熾盛雞狗鳴喚共相聞聲佛告比  
 丘汝等當知尔時人民女年五百歲便外適  
 娶尔時有王名曰壤佉七寶導從以法治化  
 無有阿曲有自然羽葆之車高千肘廣十六  
 肘豎立修治眾寶瓔珞在大眾中分檀布施  
 無恚悔心造立功德為眾導首與諸沙門婆  
 羅門諸得道者遠行住止經過居宿皆悉給  
 施有所求索無所恚惜尔時眾生壽八萬四  
 千歲有如來出世名曰彌勒至真等正覺明  
 行成為善逝世間解無上士道法御天人師  
 号佛世尊如我今日成無上正真等正覺十

号具足常當將護無數百千諸比丘僧如我今日將護無數百千諸比丘僧與諸大衆廣說深法上中下善義味微妙具足清淨修於梵行如我今日與諸大衆廣說深法上中下善義味微妙具足清淨修於梵行廣說如彌勒下生如佛所說有經名曰六更樂道若有

宮一

衆生生其中者若眼見色盡見善色不見惡色見愛不見非愛見可敬不見非可敬見可念不見非可念見美色不見非美色諸有衆生耳聞聲者鼻嗅香舌知味身知細滑意知法乃至天帝亦復如是尔時世尊遊毗舍離彌猴池水大講堂上尔時衆多毗舍離諸童

子等各生此念我等宜可共相率合至世尊所問訊禮覲其中童子或有乘載青馬青蓋被服皆青或有乘載青黃赤白被服皆白槌鍾鳴鼓作倡妓樂前後導從至世尊所尔時世尊告諸比丘汝等當知若有不見諸天遊觀至後園浴池者今當觀此諸童子等所著

法服乘載輿輦與彼諸天亦無差別所以然者諸天被服與此無異爾時座上數百千衆生之類各作是念我等宜可發真誠誓使我等後生生天上人中恒著此法服永已不離使當來世有佛興出聞其深法永離苦惱入泥洹界如來已知衆生心念求生三有不離苦惱便與大衆而說此偈

所行非常 爲磨滅法 不可恃怙 變易不住 尔時衆生聞此一句偈不可稱計百千衆生於現法中漏盡意解皆得道果

昔有婆羅門四人皆得神通身能飛行神足無礙此四梵志自相謂言其有人民以饋饌

宮一

三

食施瞿曇沙門者便得生天不離福堂有聞法者入解脫門我等今日意貪天福不願解脫不須聞法是時四人各執四枚甘美石蜜一人先至如來所奉上世尊如來受已告彼梵志而說此偈所行非常梵志聞已以手掩耳次第二人至如來所貢上石蜜如來復說

此偈謂興衰法梵志聞已以手掩耳次第三人至如來所貢上石蜜如來受已復說此偈夫生輒死梵志聞已以手掩耳次第四人至如來所貢上石蜜如來受已復說此偈此滅為樂梵志聞已以手掩耳各捨之去如來觀彼心意念知應得度便以權便隱形不現四人各聚一處自相謂言我等雖施瞿曇沙門意不決了瞿曇沙門有何言教先問前者奉上石蜜得何言教亦不聞法乎對曰我從如來聞一句義所行非常聞此義已即以手掩耳亦不承受次問第二人至如來所得何言教其人復自陳說吾至如來所貢上石蜜如來與我而說此偈謂興衰法吾聞此已以手掩耳亦不承受次問第三人汝至如來所得何言教其人復自陳說至如來所貢上石蜜如來與我而說此偈夫生輒死吾聞此已以手掩耳亦不承受次問第四人汝至如來所得何言教其人對曰至如來所貢上石蜜如

來與我而說此偈此滅為樂四人說此偈已心開意解得阿那含道爾時四人自知各得道證還自懇責至如來所頭面禮足在一面立須臾退坐白世尊曰唯願如來聽在道次得為沙門世尊告曰善來比丘快修梵行爾時四人頭髮自墮身所衣服變為袈裟尋於佛前得羅漢道佛臨欲般泥洹時告大迦葉及阿那律汝等比丘當承受我教故事佛語汝等二人莫取滅度先集契經戒律阿毗曇及寶雜藏然後當取滅度廣說乃至供養舍利盡耶旬竟便共普會集此諸經五百羅漢皆得此解脫捷疾利根眾德備具普集一處

宮一

四

便與阿難敷師子高座勸請阿難使昇高座已昇高座便問阿難如來最初何處說法時阿難便說聞如是一時說此語已時五百羅漢皆從繩牀上起在地長跪我等躬自見如來說法今日乃稱聞如是一時普皆舉聲相對悲泣時大迦葉即告阿難曰從今日始出

法深藏皆稱聞如是勿言見也佛在波羅奈仙人鹿野苑中尔時世尊告比丘此苦源本本所未聞本所未見廣說如經本是時衆人已集契經是時尊者迦葉復問阿難如來最初何處說戒律時阿難報大迦葉吾從佛聞如是一時佛在羅閱城伽蘭陀竹園時迦

蘭陀子名曰須陳那出家學道在比丘境最初犯律至不度法廣說如戒律是時迦葉復問阿難如來最初何處說阿毗曇阿難曰吾從佛聞如是一時佛在毗舍離獼猴池側普集講堂所尔時世尊見拔耆子因緣本末告諸比丘諸無五畏恚恨之心者便不墮惡趣亦復不生入地獄中演說如阿毗曇初夜集阿毗曇竟後夜便說出曜而演此偈睡眠覺寤何以故說睡眠覺寤如世尊等正覺所說夫睡眠者損命愚惑有所傷壞不成果證沒命無救不至明處所以然者如人覺悟便能修德造立善本耽著睡眠便失此法故謂愚

官一

五

惑時座中復有說者如佛所言若有衆生覺寤之中所念衆事於睡眠中澹然無想世尊告諸比丘寧睡不覺此云何通是故佛說除去睡眠常念覺寤如佛說偈睡眠覺寤宜歡喜思言歡者內心踊躍喜怡歡樂善心生焉是故稱說宜歡喜思聽我所說者專意一心

無有亂想意定無誤堪任承受是以故說聽我所說撰記出曜言出曜者過去恒沙諸佛世尊皆共讚嘆出曜法義如來世尊亦名最勝云何爲最勝勝諸結使不善之法勝婬怒癡勝一切生死結縛勝外道異學尼乾子等九十六種術於中特出故曰最勝演說暢達無有留滯布現演吐爲諸天人義味成就是故說撰記出曜如世尊所說演說暢達無有留滯

如世尊說 一切通達 仙人慈哀 一身無餘  
如世尊所說者暢達演說言無留滯故曰世尊說也一切通達者一切智達一切示現一

切通了分別一切義遊六神通成無上道如來六通亦非羅漢所能及逮佛爲諸度最勝最上於諸法相悉能分別故曰一切通達也仙人慈哀者一切充滿生死希望如父母之想擁護心慈哀之意諸佛世尊亦言仙人修神足道亦名仙人衆德具足亦名仙人長夜修善亦名仙人是以故說仙人慈哀也一身無餘者所謂身者依四大根本更無復有亦無邊際亦無出生如佛存在躬自演說阿難當知末後境界末後無胎末後所受形分如我阿難更不復見天地方域更受此身此是苦際故曰一身無餘也

所行非常 謂興衰法 夫生輒死 此滅爲樂 昔諸梵志各誦師法分爲二部 一部所見萬物皆有一部自稱萬物皆無諸言有者如來分別除去猶豫斷其希望便與演說所行非常諸言有者自有讚頌 以利輪劔殺害衆生 恒知惠施 無有善惡

宮一

六

云形不變 身體中間 利劔來往 不傷其命 地大恒在 風界無著 大受苦樂 命根亦尔 正使利劔 通達來往 亦不見有 善惡之報 設害父母 無善惡報 況當餘者 而有其果 猶如以錡盛雀有人打錡雀便飛逝傷害衆生命自遠逝無所傷損如來世尊欲去彼邪見衆生故曰所行非常不可恃怙遷轉不住爲磨滅法命如朝露暫有便滅故曰所行非常一部自稱萬物無者共相慶賀成我等義如來觀彼心中所念而告之曰謂興衰法夫興衰者夫盛有衰合會有離無身則已受身有何可避梵志復作是念設衰耗法更不生者則成我義是故世尊重與說義夫生輒死輪轉不住諸受陰持共相受入慧眼觀察乃能分別猶如日光塵數流馳難可稱計此五盛陰身衆行所逼流轉生受無有懈怠故曰夫生輒死此滅爲樂者所謂永盡無餘無欲著意常息安寧最第一樂無生滅想成第一

義無欲樂無為樂無漏樂盡樂滅樂故曰此滅為樂

何喜何笑 念常熾然 深蔽幽冥 如不求鉅昔佛在舍衛國祇樹給孤獨園食後日晡有眾比丘及天帝臣民四輩弟子欲聽如來說甘露法有異方道士異學婆羅門七人頭鬚

宮一

七

皓白拄杖呻吟來至佛所誓首作禮叉手白佛言吾等遠人伏承聖化久應歸命道術有簡今乃得來親覩聖顏願為弟子得滅眾苦佛即聽受悉為沙門勅七比丘共止一房然此七人覩見世尊尋得為道不計無常變易之法共坐房中思惟世事小語大笑不念成敗命日促盡不與人期但共戲笑恣意放逸不念無常尔時世尊起至房中而告之曰卿等為道當求度世無為之道何為大笑一切眾生自憑五事何謂為五一者恃怙年少二者恃怙端正三者恃怙力勢四者恃怙才器五者恃怙貴族卿等七人小語大笑恃怙何

等於是世尊即說頌曰

何喜何笑 念常熾然 深蔽幽冥 如不求鉅何喜何笑者尔時世尊告七人曰汝等七人未在道境亦復不在須陀洹斯陀舍阿那舍阿羅漢復告比丘我先有教未能盡漏不可有所恃怙汝等受形未脫結縛虵蚺共居成五盛陰云何於中小語大笑當念此苦求劫不除方興戲笑以成塵垢苦哉難悟卿等是也故曰何喜何笑是世尊教勅之言念常熾然者云何為熾然以無常火而為熾然亦以苦火而為熾然愁憂苦惱而為熾然又以何等而見熾然愛欲瞋恚愚癡憍慢嫉妬恚癡所見熾然故曰念常熾然深蔽幽冥者猶人夜行不覩顏色生盲無目不見玄黃如此幽冥蓋不足言所謂大幽冥者無明纏絡遍人形體無空缺處是謂大冥覆蔽眾生不別善惡趣要之本不別白黑縛解之要道俗之法亦復不知善趣惡趣出要滅盡故曰深蔽幽

冥如不求錠者云何為錠所謂智慧之燈以  
 智慧錠為照何等答曰知結所與以道滅之  
 分別善趣惡趣出要之本能別白黑縛解之  
 要道俗之法善能分別善趣惡趣出要滅盡  
 普曜諸法無不明照而更捨之乃趣真道故  
 曰如不求錠

宮一

八

諸有形器 散在諸方 骨色如鴿 斯有何樂  
 昔佛在舍衛國祇樹給孤獨園尔時有異比  
 丘日至城外曠野冢間路由他田乃得達過  
 其主見已便與瞋恚此何道士日此往來不  
 修道德即問道人汝何乞士在吾田中縱橫  
 往來乃成人蹤道人報曰吾有關訟來求證

人時彼田主宿緣鈎連應蒙得度便逐道人  
 私匿從行見曠冢間屍骸狼籍胖脹臭爛鳥  
 獸食噉散落異處或有食噉盡不盡者有似  
 鳩鴿蛆蟲嚼啖臭穢難近烏鵲狐狗老鷲鷄  
 鵝噉死人屍比丘舉手語彼人曰此諸鳥獸  
 是我證人其人問曰此諸鳥獸可為證人汝

今比丘與誰共諍比丘報曰心之為病多諸  
 漏患我觀此骸分別惡露便還房室還自觀  
 身從頭至足與彼無異然此心意流馳萬端  
 追逐幻偽色聲香味細滑之法我今欲戒心  
 之源本汝心當知興起是念無令將吾入地  
 獄餓鬼之中我令凡夫未脫諸縛然此心賊

不見從命以是之故日往曠野為說惡露不  
 淨之想復與心說心為卒暴亂錯不定心今  
 當改無造惡緣時彼田主聞道人教以手拭  
 淚哽咽難言然彼田主於迦葉佛十千歲中  
 修不淨想尋時分別三十六物惡露不淨尔  
 時比丘及彼田主即彼曠野大畏冢間得須

宮一

九

陀洹道尔時世尊天眼清淨無瑕穢觀見二  
 人成其果證因宿本緣亦欲示現後學之徒  
 使將來世現其大明正法久存無能中滅便  
 自稱慶而說此偈

諸有形器 散在諸方 骨色如鴿 斯有何樂  
 或有手脚臂肘腰體脛膊膝踝足跟髑髏肢

節各在異處是故說曰諸有形器散在諸方者猶木無識本所愛樂不去心懷莊嚴文飾香華脂粉芬熏其身今皆散落各在異處骨色如鴿者本所衆生億百千數而見愛念觀無狀足如今億百千衆所見薄賤覩皆怖懼衣毛爲豎是故說曰骨色如鴿斯有何樂者

世言有樂則是凡夫愚惑之人智者所棄愚人所樂智者懷愧但有醜陋愚者耽習甘樂不捨藏匿懷袍

若如初夜 識降母胎 日涉遷變 逝而不還 如佛世尊敷演言教有三有爲有爲之相與 衰變易問曰若當萬物恒有常者死屍骸骨

不久存乎百二十時謂之一日一夜若當形骸久存世者一人形體遍滿世界答曰以其衆生與根共生與根共滅以是之故骸不久存設當衆生與根共滅與根共生者骸骨便當久存於世復次與識共生與識共滅是時形骸不久在世若當衆生與識共滅與識共

生今時形骸久存於世問曰若當老耄久存世者人初出胎頭髮恒不白乎答曰所謂頭髮皓然白者非衰老義此義云何乎答曰依彼受形分時便有衰色之變有白髮生猶酒酥麻油必有濁滓受形分時亦復如是便有衰色白髮生焉是故說曰若如初夜識降母

胎者猶如男識女識降在母胎據在一時之內或生或滅經百千變起滅不息猶如輪轉不可稱計唯有天眼乃得見今時識過去及還來者亦非神呪技術能制去自永逝來亦無跡識處母胎生滅不停亦復如是猶河東流終不西顧胎識去過終不還反唯有天眼

見胎識還見胎識去

晨所觀見 夜則不現 昨所瞻者 今夕則無

我今少壯 無所恃怙 少者亦死 男女無數

昔佛在舍衛國祇樹給孤獨園今時尊者阿難到時著衣持鉢入舍衛城分衛遙見門外有衆男子作倡妓樂而自娛樂尊者阿難入

城乞食訖欲還出城見此技人忽已命終衆人昇舉號哭相向時尊者阿難便生此念奇哉變怪無常對至何期速乎我向晨朝入城乞食見此男子五欲自娛像如天子如今受對取無常耶時尊者阿難出舍衛城祇洹精舍收攝衣服淨洗手足至世尊所頭面禮足在一面立尔時尊者阿難長跪叉手前白佛言唯然世尊我向晨朝著衣持鉢入城乞食見有男子作倡妓樂五欲自娛便入城乞還出在外見此男子忽已命終衆人昇舉號哭相向時我世尊便生此念奇哉變怪無常對至何期速乎我向晨朝入城乞食見此男子五欲自娛像如天子如今受對取無常耶我今所見甚為奇特未曾所觀世尊告曰汝今阿難有何奇特我曾所觀乃為奇特出過汝今所見者上我曾昔日到時著衣持鉢入舍衛城分衛乞食時我阿難見有男子在祇洹門外作倡妓樂五欲自娛時我入城乞食訖

宮一

十一

還出城外見此男子作倡妓樂如本不悞我見奇特出汝者上尔時阿難即白佛言此是常儀有何奇特佛告阿難命速於風逝難制御汝今方言有何奇耶尔時世尊觀察此義尋究本末欲使比丘明鑒此法為將來衆生現大光明亦使正法久存於世尔時世尊便說出曜之偈  
晨所觀見 夜則不現 昨所瞻者 今夕則無  
我今少壯 無所恃怙 少者亦死 男女無數  
晨所觀見 夜則不見 者晨朝所見 衆生之類  
數千百衆 暮則不見 諸有衆生 思惟校計 善根具足 意不錯亂 則自覺知 命如斲石 閃現已滅 誰當興意 貪著此乎 唯有無聞 凡夫愚人 乃興此心 生貪著意 昨所瞻者 今夕則無 如昨所見 進止行來 設彼有念 思惟善本 殖衆功德 心便勇猛 能自改悔 內自興發 不可樂想 是故說曰 晨所觀見 夜則不現 昨所瞻者 今夕則無 也我今少壯 無所恃怙 者如有

愚人無所聞知自怙彊壯氣力熾盛苟得自縱隨其所知不顧後慮自稱端正顏貌殊特餘者卑賤非我等友色力財富出衆人表既自盛壯獨步無侶所願者得無能拒逆所欲自恣不避豪彊亦復不思無常對至不覩生死苦惱之患是故說曰我今少壯無所恃怙

少壯亦死男女無數者正使無數衆生之類男女大小受形分者氣力殊特財富無數所欲自恣年皆盛壯於人世間壯者命終多於老者皆爲無常所見蹈躡然彼終者先在世時不修功德諸善之本無所恃怙從今世至後世流馳五趣無有懈怠是故說曰少者亦死男女無數

在胎自敗 初出亦殤 既生子壞 孩抱而喪 諸老少壯及中間人漸漸以次如果待熟六十千生六十百生於生藏壞斯由害人所謂人者國王一億財主導師商人父母須陀洹斯陀舍阿那舍阿羅漢興心起意害此輩人

官一

十一

或入阿鼻地獄或熱大熱啼哭大啼哭等害黑繩等會地獄畢此罪已生六畜中經歷劫數往來周旋乃復人身於其中間在生藏中不卒其命是故說曰在胎自敗也初生胎亦殤者或有衆生始生胎門而命終者或有衆生始欲造福功業未果便於胎門中天命者

斯由前身興心傷害彼造福人是故說曰初出亦殤既生子壞者或有衆生施功立德在諸塔寺施設園果浴池橋梁園厠功業未就爲人所害斯由先世害福德人死入地獄畜生餓鬼經歷久遠乃還復人既生離胎於中逝殤是故說曰既生子壞也孩抱而喪者或有衆生於塔寺中施功立德施設園果浴池橋梁園厠功業已就餘功未幾便爲人所害斯由前身興心傷害彼造福人身壞命終入地獄中於中畢罪生畜生中雖得爲人未別白黑便於孩抱夭其命也 諸老少壯及中間人漸漸以次 如果待熟

昔日尊者馬聲說偈曰

或有在胎喪 已生在外終 盛壯不免死

老耄甘心受 猶樹生狂華 結實時希有

忘故必欲捨 伺命召不忍

猶彼果樹隨時繁茂在華生長遇風凋落結

實者豈或以結實遇雹墮落或有未華而凋

宣

十三

落者或有已華而凋落者其中成實待熟落

者少少亦此衆生類亦復如是於百千生其

中身若一若二處胎出胎少壯老疾悉歸斯

道無免此患於百千生老壽命終若一若二

少壯死者不可稱計是故說曰諸老少壯及

中間人漸漸以次如果待熟

命如果待熟 常恐會零落 已生皆有苦

孰能致不死

昔惡生明王嚴駕翼從詣後園遊觀衆果樹

木行列相當彼國常禮果熟乃食終不噉生

時王有教敕守園者若有果落墮地者不

應獻上有犯此制當具其首時守園人內自

思惟此惡生明王暴虐無道殺害生類無慈

愍心若當我今犯制者死在旦夕不免其困

然今此園樹果衆多在樹既少墮落者衆設

責我果更無於出且自逃走求出家學道即

踰牆出至世尊所五體投地願為沙門佛即

然可得在道次靜寂無為不與巧便坐禪誦

經亦復不習戒律阿毗曇謂為行道齊是而

已亦復不惟空閑曠野經行諷誦十二難得

勤勞之要自憑三事不慮後緣內自喜慶我

今已脫形急之患今且自安焉知餘者亦時

世尊觀其人心欲使免苦濟衆厄難欲使安

處善法妙堂欲拔根本離生死源將入解脫

無退轉道亦時在衆便說此出曜偈曰

命如果待熟 常恐會零落 已生皆有苦

孰能致不死

亦時比立聞佛所說內自怨責懷慙愧心在

閑靜處思惟惡露止觀之道即於彼處成阿

羅漢

譬如陶家 埏埴作器 一切要壞 人命亦然  
昔佛在舍衛國祇樹給孤獨園尔時有一陶  
師造作瓦器觸物不却隨其形狀亦無疑難  
時拘薩羅國波斯匿王敕語瓦師使造器皿  
彼人事猥竟不成辦時波斯匿王內懷恚怒  
敕語傍目至瓦師家毀壞其器時彼瓦師懼

官一

十四

失命根竊自逃走至迦尸國界復於彼土造  
作瓦器波斯匿王聞彼造器復遣目佐至彼  
國界悉使壞破所造瓦器時彼瓦師復自逃  
走至拘薩羅國復於彼土造立瓦器波斯匿  
王聞彼造器復遣目佐使壞其器時彼瓦師  
財產竭盡無復生理食不充口衣不蓋形恒

懼波斯匿王當取殺之便復逃走入深山中  
往至世尊所求為道人時佛默然聽在道次  
然彼人內不思惟謂為永離困厄之難不復  
懼彼為王所害在閑靜處不思道德亦不習  
契經戒律阿毗曇亦復不分別義理諸度世  
道亦復不習坐禪誦經佐助衆事永離三事

不勤采習謂為行道齊是而已不增翹勇進  
求上人法然未得證不勤求證然未得果不  
勤求果如來世尊以三達智觀察其心以漸  
化彼無疑網意便告彼人以免瓦器之功更  
不懼喪身之惱唯有五盛陰為瓦之形此為  
大畏無免其患瓦器雖壞不懼當墮地獄鐵

鬼畜生之道五盛陰為形瓦器先不造諸功  
德福業修諸善本無所恃怙亦無歸趣恒畏  
地獄餓鬼畜生尔時世尊觀察此義尋究本  
末觀了此義已欲使諸比丘永離嫌疑使將  
來衆生觀其大明正法久存尔時在衆便說  
此偈

官一

十五

猶如陶家 埏埴作器 一切要壞 人命亦然  
諸有生熟之器要當歸壞漸成糞聚無可食  
者諸有生類受五盛陰為坏之器及刹利婆  
羅門旃陀羅種受形分者短壽長壽饒財貧  
匱端正醜陋豪族卑賤有顏無顏智慧愚闇  
盡歸於死無常變易皆當捐棄在曠冢間時

彼比丘聞如來所說教訓之道知無常之要  
達罪福之源解興衰之變遵滅度之行即於  
佛前得阿羅漢道

猶如張綜 以杼投織 漸盡其縷 人命如是  
昔日有人善能織屨兼有一息意常情懶數  
勸語公作應舒遲何必速疾此功適訖後更  
無作父告其子此功雖訖更有餘務如是語  
公往來數十兒神識錯尋於父前肝裂命終  
時父見子命根已斷即捨居業出家學道雖  
為沙門念子在心不能捨離亦復不思惟道  
德專定坐禪求增上法亦復不思惟契經戒  
律阿毗曇亦復不坐禪誦經佐助眾事唯心

存在念彼亡子尔時世尊以三達智觀察彼  
人心意所向尋究本末觀了此義已欲使諸  
比丘永離嫌疑使將來眾生成觀其大明正法  
父存在於眾中便說出曜之偈  
猶如張綜 以杼投織 漸盡其縷 人命如是  
一切萬物皆當歸死無常變易皆當捐棄在

於曠野家間時彼比丘聞如來所說教訓之  
道知無常之要達罪福之源解興衰之變遵  
滅度之行即於佛前得阿羅漢道

猶如死囚 將詣都市 動向死道 人命如是  
昔佛在舍衛國祇樹給孤獨園時拘薩羅國  
波斯匿王敕典獄者諸有盜賊罪應入律詣  
市殺之時有一賊在大眾中逃竊得脫外假  
法服私為沙門然彼人內不思惟謂為永離  
困厄之難不復懼彼為王所害在閑靜處不  
思道德亦不習契經戒律阿毗曇亦復不分  
別義理諸度世道亦復不習坐禪誦經佐助  
眾事永離三事不勤采習謂為行道齊是而  
已不增翹勇進求上人法然未得證不勤求  
證然未得果不勤求果如來世尊以三達智  
觀察其心以漸化彼無疑網意便告彼人已  
免生死賊殺之難故有餘怨五盛陰身輪轉  
五趣無有解已為諸結使所見殘害便當墮  
於餓鬼畜生之道爾時世尊觀察此義尋究

宣一  
其

本末欲使諸比丘永離嫌疑使將來衆生觀其大明正法久存於大衆前便說此偈猶如死囚將詣都市動向死地人命如是時彼比丘在閑靜處思惟校計內自懇責解知萬物皆悉無常生不久存盡歸於滅與衰之變斯來久矣非適今也即於佛前海責自

改成阿羅漢道

如河駛流往而不反人命如是逝者不還昔有衆人在江水側坐而觀看瞻水成敗傷害人民無復劑限或有父母妻子男女墮水死者亦無有量其中得解脫者萬中有一於深水得解脫者往至佛所求為沙門佛便然可聽在道末內不思惟謂為永離困厄之難不復懼彼為水所溺在閑靜處不思道德亦不習契經戒律阿毗曇亦復不分別義理諸度世要亦復不習坐禪誦經佐助衆事永離三事不勤採習謂為行道齊是而已不增翹勇進求上人法然未得證不勤求證然未得

宮一

七

果不勤求果如來世尊以三達智觀察其心以漸化彼無疑網意便告彼人已免為水所溺之難故有餘怨五陰盛陰身轉輪五趣無有解脫已為諸結使所見殘害便當隨於餓鬼畜生之道尔時世尊觀察此義尋究本末欲使諸比丘永離嫌疑使將來衆生觀其大

明正法久存於大衆前便說此偈

如河駛流往而不反人命如是逝者不還是時彼比丘聞此語已內自慚愧解知一切萬物皆當歸死無常變易不可久居恩愛別離怨憎會苦思惟無我無人無命心意專正趣泥洹門江水所漂蓋不足言死河所溺永劫不解當求方便去離駛流尔時比丘聞佛切教心開意解淡然無想即於佛前離生死難成阿羅漢三自稱善使哉福報所願者得爾時座上無數衆生聞此比丘成道果證皆發無欲清淨之行皆得須陀洹果所造功勞永世乃獲如杖擊水離則還合

昔佛在毗舍離城甘黎園中尔時衆多比丘觀見土界國豐民盛所居平正穀食豐賤縱情恣意不隨法禁上下相慢各謂真正尔時世尊愍彼愚惑以種種方便導引法味即集大衆告諸比丘夫爲智者以譬喻自解猶如地界水滿其中東西南北地無空缺處有一瞎鼈無數千劫不可稱計生長於水有一薄板縱廣一肘唯有一孔爲風所吹然彼瞎鼈經歷百歲一舉東看風吹板在南方云何比立彼瞎鼈者爲值孔不對曰不也世尊復經百歲復得南看風吹板復在西方云何比丘彼瞎鼈者爲值孔不對曰不也世尊如是四方隅角亦復如是云何比丘彼瞎鼈者會當值孔不乎對曰不也世尊時諸比丘白世尊曰此瞎鼈身會當與孔相值不也世尊告曰此事極難時乃有相值期尔受畜生身復難於此畜生求人復甚難於此如是比丘人身難得雖得爲人值命促短不類古人壽命無

宮

十六

量毗婆尸世尊出現於世如來至真等正覺自佛去世人壽七萬歲復有佛出名曰式棄如來至真等正覺明行成爲善逝世間解無上士道法御天人師号佛世尊彼佛去世後人壽六萬歲爾時有佛名曰毗尸波皆如來至真等正覺明行成爲善逝世間解無上士道法御天人師号佛世尊出現於世彼佛去世後人壽五萬歲尔時有佛名曰迦鳩留如來至真等正覺十号句義出現於世彼佛去世後人壽四萬歲尔時有佛名曰迦那迦牟尼如來至真等正覺十号句義彼佛去世後人壽二萬歲有佛出世名曰迦葉如來至真等正覺十号句義彼佛去世後人壽百歲我今出世名釋迦文如來至真等正覺十号句義比丘當知極壽百歲出者無幾壽百歲者時時乃有是故說曰所造功勞永世乃獲古人積德壽命無量衆行備具亦無疾病凶疫惡氣人壽八萬四千歲時有三疾患一曰所

欲二日飢渴三日衰老如今比丘五濁鼎沸  
世人壽極短四百四病纏裹人體尊者馬聲  
亦作是說

諸患集為體 為老死所伺 毒劍熾火逼  
萬患守營衛

是故說曰所造功勞永世乃獲以杖擊水離  
宣 十九

則還合如今比丘人命危脆不可久保誰當  
貪慕願受此生唯有凡夫無知之人願生三  
有時諸人民聞佛所說皆發清淨不退轉行  
譬如操杖 行牧食牛 老死猶然 亦養命蟲  
昔佛在摩竭國界羅閱城中佛將阿難著衣  
持鉢道見有人驅牛千頭就其美草放煙瞻  
候佛問阿難汝見有人驅放群牛不乎對曰  
唯然見之佛語阿難此群牛本有千頭在外  
瞻守掌不牢固為虎惡獸所見噉食死者過  
半餘不覺知方相抵觸跳踉喚吼傷其無智  
何乃甚哉佛語阿難衆生處世亦復如是計  
於吾我不知非常貪著五欲養育其軀快心

極意共相殘害無常宿對卒至無期悽悽不  
覺何異於彼群牛者乎雖好水草長養其膚  
但促其命無益於已佛還精舍以此因緣誠  
勸衆會四輩弟子中有二百餘人聞法意悟  
得六神通成阿羅漢佛告比丘或有衆生應  
聞切教而得度者或有衆生應聞妙智思惟

分別而得度者或有譬喻而得度者或有愚  
闇趣聞一句便得度脫應聞喻者此偈則是  
其義隨時料量而得度者是故說曰譬人操  
杖其事如斯

是日已過 命則隨滅 如少水魚 斯有何樂  
佛告比丘夫人處世所行不同所見亦異一

日過去人命隨滅雖壽百年卧消其半便與  
衆會而說此偈

夫人欲立德 日夜無令空 日夜速如電  
人命迅如是

時來會者觀察此義分別修行日夜已過死  
緣難計愚人依憑染著受有當念勤加與勇

猛心無失軀體是故說曰

是日已過 命則隨滅 如少水魚 斯有何樂  
汝等比丘當明此理大海江河猶有枯竭萬  
仞大魚曝脊在外況是少水而不然乎或有  
時溝澗暴雨溢滿流疾趣下聲震四遠彼岸  
人喚此不聞聲此間人喚彼不聞聲或時溝

宮一

卅

澗水盡無餘四趣衆生雖受形分命則隨滅  
如少水魚斯有何樂或有衆生壽命極長諸  
天壽八萬四千劫地獄壽一劫畜生與地獄  
同壽餓鬼壽命無有限量如尊者滿願至時  
持鉢正服入弗迦羅國時有餓鬼倚城門立  
比丘滿願問餓鬼曰汝今在此何所求索鬼

報彼曰汝今見我耶比丘報曰我先見矣鬼  
復語曰我夫入城于今未還故於此立自待  
夫主余比丘問曰汝夫入城爲何所求時鬼  
報言今此城中有大長者患癰積久今日當  
潰膿血流溢夫主持來二人共食以濟其命  
比丘復問汝夫主入城經幾許時然彼城郭

逼近江河舉手指城語比丘曰此城於彼此  
岸成敗已來今爲第七我夫入城經余許時  
餓鬼受形壽不可稱亦無劑限然人受形極  
壽百歲雖出無幾是故說曰如少水魚斯有  
何樂故別說人不墮四趣  
不寐夜長 疲倦道長 愚生死長 莫知正法

昔佛在舍衛國祇樹給孤獨園佛告諸比丘  
有四夜睡眠者少覺寤者多云何爲四女與  
男想睡眠者少覺寤者多男與女想睡眠者  
少覺寤者多三曰盜賊睡眠者少覺寤者多  
比丘求定勤修正法睡眠極少覺寤者多三  
覺夜長 修正法比丘不覺夜長疲倦道長愚

宮一

卅

生死長 莫知正法佛在舍衛國祇洹阿那邠  
邱阿藍有一梵志緣本宿世造立功業緣至  
應度暫聞此偈愚生死長然彼梵志多饒財  
寶僕從給使居業成就所納妻室顏貌殊特  
與世無雙女人姿容一以無關時彼梵志內  
自思惟我宜往彼至如來所當來諸佛爲有

幾乎梵志出城至祇洹精舍到世尊所共相問訊在一面立义手合掌白世尊曰願欲所問若見聽者敢自陳啓世尊告曰恣汝所問如來爲汝敷演其義梵志白曰云何世尊於當來世爲有幾許等正覺耶世尊告曰將來世諸佛數如恒沙時彼梵志聞佛所說欣喜踊躍不能自勝善心生焉當來諸佛數如恒沙於諸佛所善修梵行興功立德爲福不倦然吾處世饒財多寶僕從給使居業成就所納妻室顏貌殊特與世無雙我依此業便當分檀布施有所求索不逆人意尔時梵志聞佛教誡戢在心懷繞佛三匝舉手辭讓便退而去尔時梵志行道不遠復作是念我向所啓問將來佛然吾退志不問過去諸佛世尊我今宜還至世尊所問過去佛梵志即還至世尊所共相問訊在一面立尔時梵志白世尊曰過去諸佛爲有幾所佛告梵志過去諸佛數如恒沙梵志復前便自悲泣並自舉聲

而作是說愚處生死纏綿積久恒沙諸佛吾不及覩斯何苦哉復自投地宛轉自責斯由放逸行不從本使我退在處凡夫地或在泥犁地獄畜生餓鬼長夜受苦刀山劔樹火車鑪炭或伏雪山劫敗乃移或處炙獄受痛無量雖出爲人值生邊地有佛興出不值不覩先有比丘教誨我言愚生死長誠哉斯言我今宜加精勤用意自歸如來復待將來諸佛爲乎田業妻婦斯是外役何必貪慕敗敗聖教爾時梵志义手合掌佛前長跪白世尊曰唯然世尊聽爲道次得修梵行爾時世尊告諸比丘汝等將此梵志教授威儀度爲比丘

宣一

共二

比丘受教即度爲沙門在閑靜處思惟校計修上人法所以族姓子出家學道剃除鬚髮著三法衣以信堅固於家出家修無上梵行潔身受證以自娛樂生死已盡梵行已立所作已辦更不復受有如實知之已得爲道在無餘境得阿羅漢果爾時世尊觀察此義思

惟本末亦使諸比丘速取滅度為後衆生現其大明然熾正法久存於世重與梵志而說此偈

不寐夜長 疲倦道長 愚生死長 莫知正法 非有子恃 亦非父兄 為死所迫 無親可怙 昔佛在摩竭國道場甘黎園北石室精舍中

時有一男子將從嚴駕隨大導師入海採寶餘小賈人以類相從飲食醯樂施諸貧窮沙門婆羅門以得入海採致珍寶還至平岸共相娛樂飲食歡醯日日不斷時彼一人飲食麁惡唯服麩而已不改常儀然後多財珍寶所獲無量時大導師語其人曰汝今處世饒財多寶少有比類何為自困不肯食噉夫人處世當行二業一者廣施二者自食彼人聞已心不納受乃更懷恨漸至憂悴語導師曰吾設食噉無以濟彼妻婦男女後遇疾急竟不至家中道無常彼大導師說斯偈曰

夫人慳貪 貯聚財產 念家怨讎 不覺命終

宮一

廿三

今時世尊以天眼觀清淨無瑕穢見彼導師興工採寶中道無常今時世尊以此因緣觀察此義思惟本末欲使諸比丘示現滅度為後衆生現其大明然熾正法久久於世今時世尊便說斯偈 非有子恃 亦非父兄 為死所迫 無親可怙

時諸大衆聞佛所說心開意悟興工立德拯濟窮乏持齋修戒歲三月六未始有關四事供養衣服飯食牀坐卧具病瘦醫藥須衣與衣須食與食財寶七珍金銀珍寶瓊瑤瑪瑙真珠琥珀有求索者不逆其意遠來久住經過人者皆悉供給華香脂粉亦用給與無所憒惜無數大衆厭患生死除貪著意執信堅固出家修道修增上法無退轉意各以次第成阿羅漢道

出曜經卷第一

宮一

屬賓

上居例 反西名 伊洛

下音洛地 名慨恨 反口愛

下直布尼反	上跳踉反	佛頂音	搔也	匱也	延柔也	延下也	暴虐反	初使反	卓音	反拒逆	音昇	反音	根音	音胡	狐音	又音	下音	也音	反音	無音	每音	今音	音	緬音
尼中踴反	踴音	脆反	織也	瞎反	求也	位也	魚反	魚反	音	音	音	音	音	音	音	音	音	音	音	音	音	音	音	音
戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也
戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也
戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也	戢也

憂悻才送

廿四末

宮一

出曜經卷第二

尊者法救造 姚秦三藏竺佛念譯

無常品之餘

千百非一族姓男女 貯聚財產無不表喪  
 衆生居世馳趣四方貪求財貨興欲無厭盛  
 夏冒炎冬履嚴霜飢寒勤苦艱難憂慮萬失  
 一獲猶用自慶施心難果意不開悟既自不  
 食復不施人雖饒寶貨與無不異彼禪之人  
 莊以七寶雖目視之意不甘樂以慳貪故流  
 轉生死從今世至後世爾時世尊以天眼觀  
 清淨無瑕穢觀了衆生馳趣四方貪求財貨  
 不顧後慮皆爲愚惑所見迷誤世尊以此因